
ФАРҒОНА ВИЛОЯТИ ВА ЧУНГЧОНГНАМ-ДО ПРОВИНЦИЯСИНИНГ ҚЎШМА МАДАНИЙ ТАДБИРИДА КОРЕЯЛИК ГУБЕРНАТОРГА ФАРҒОНА ДАВЛАТ УНИВЕРСИТЕТИНИНГ ФАХРИЙ ПРОФЕССОРИ ДИПЛОМИ ТОПШИРИЛДИ

Бугун Корея Республикасининг Чунгчонгнам-до провинцияси губернатори Ким Таэ Хэум бошчилигидаги делегация вакиллари учун вилоят театр ва концерт саройида концерт дастури ҳам ташкил этилди.

Мазкур тадбирда сўз олган вилоят ҳокими Хайрулло Бозоров Фарғона вилояти ва Кореянинг Чунгчонгнам-до провинцияси ўртасида ҳамкорлик алоқалари янги босқичга кўтарилаётганлигини қайд этиб, Ким Таэ Хэумга ва делегация аъзоларига ташриф учун миннатдорчилик билдирди.

Тадбирда Фарғона давлат университети ректори Баҳодиржон Шермуҳаммадов Чунгчонгнам-до провинцияси губернатори Ким Таэ Хэумга университет фахрий профессори илмий унвонини тақдим қилди.

Ким Таэ Хэум ушбу эътироф учун чексиз миннатдорлигини изҳор қилиб, Фарғона давлат университети фахрий профессори сифатида фарғоналик талабаларнинг Кореяда таълим олиш имкониятларини кенгайтириш учун ҳаракат қилишга ваъда берди.

Шундан сўнг Sun Moon университети таэквондо жамоаси томонидан тақдим этилган шоу ҳамда вилоятимиздаги санъат соҳаси вакилларининг миллий қўшиқлар ва уларга ҳамоҳанг рақслар кетма-кетлиги барча иштирокчиларга кўтаринки кайфият бахш этди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2024-05-06 23:21:15